

Broj: 101-1-5478 /25Datum: 16.12.2025. god ml

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 170-5470/25 od 15.12.2025. godine, rektorica Univerziteta „Džemal Bijedić“ u Mostaru donosi

ODLUKU

o izboru najpovoljnijeg ponuđača u postupku javne nabavke „Licence za softver za provjeru plagijata“

I

Prihvata se preporuka Komisije za javnu nabavku u postupku javne nabavke pod nazivom „Licence za softver za provjeru plagijata“, broj: 170-5470/25 od 15.12.2025. godine i ugovor o nabavci usluga u predmetnom postupku se dodjeljuje ponuđaču **„NEXIS“ d.o.o. Sarajevo, Mehe Smailagića, 76, 71000 Sarajevo**, u skladu s dostavljenom ponudom br. 291/25 od 15.12.2025. godine.

II

Ugovor o nabavci robe se dodjeljuje ponuđaču iz tačke I ove Odluke, sa ukupnom cijenom u iznosu od 22.000,00 KM bez PDV-a.

III

Izabrani ponuđač je dužan dostaviti dokumente u svrhu dokazivanja činjenica iz člana 45. Zakona o javnim nabavkama BiH („Službeni glasnik“, broj: 39/14, 59/22 i 50/24), potvrđenih u izjavi iz Aneksa 3 Tenderske dokumentacije u predmetnom postupku, u skladu sa tačkom 13.4., u roku od 5 dana od dana prijema Odluke o izboru najpovoljnijeg ponuđača.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 7 dana, računajući od dana prijema odluke o izboru najpovoljnijeg ponuđača.

V

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđaču koji je učestvovao u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).

VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14 i 59/22).

**Obrazloženje**

Odlukom broj: 101-1-5121/25 od 1.12.2025. godine pokrenut je postupak javne nabavke licenci za softver za provjeru plagijata, za potrebe realizacije projekta pod nazivom „Učionica 2.0 – kombinacija edukacije i AI“, u okviru programa „Podrška visokoškolskim ustanovama za primjenu AI alata u nastavi i unapređenje digitalnih vještina nastavnika, te dodatno metodičko-pedagoško osposobljavanje asistenata i viših asistenata za rad u nastavi“. Komisija za provođenje postupka javne nabavke, imenovana je Odlukom broj: 101-1-5122/25 od 1.12.2025. godine.

U skladu sa Odlukom o pokretanju nabavke, ukupna procijenjena vrijednost nabavke bez PDV-a iznosi 22.000,00 KM. Obavještenje o nabavci broj: 66-7-2-188-3-84/25 objavljeno je na portalu javnih nabavki dana 2.12.2025. godine, zajedno sa Tenderskom dokumentacijom broj: 101-1-5136/25.

U skladu sa Tenderskom dokumentacijom i obavještenjem o nabavci dana 15.12.2025. godine sa početkom u 10:00 sati održano je javno otvaranje ponuda. U predviđenom roku za prijem ponuda (15.12.2025. godine do 9:30 sati) zaprimljena je 1 (jedna) ponuda kako slijedi:

	Broj protokola	Naziv/ime ponuđača (šifra)	Datum i sat prijema
1.	180-5241/25	NEXIS d.o.o. Sarajevo	5.12.2025. u 09:20 sati

Nakon izvršenog pregleda ponude, Komisija je konstatovala sljedeće:

Ponuda ponuđača „NEXIS“ d.o.o. Sarajevo je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. Ukupna cijena ponude iznosi 22.000,00 KM bez PDV-a. Ponuđač nije dao popust na cijenu.

Nije bilo osnova za ispravku računske greške u kompletnoj i prihvatljivoj ponudi. Tačkom 29. Tenderske dokumentacije bilo je predviđeno održavanje e-aukcije, međutim kako je pristigla samo jedna ponuda, e-aukcija nije ni zakazana u skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“, broj: 80/23).

Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor o javnoj nabavci usluga dodijeli ponuđaču „NEXIS“ d.o.o. Sarajevo, sa ukupnom cijenom ponude u iznosu od 22.000,00 KM bez PDV-a. Komisija je utvrdila da je ponuda prihvatljiva i u skladu s tenderskom dokumentacijom.

U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjele ponude kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Na osnovu svega navedenog, odlučeno je kao u dispozitivu ove odluke.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 5 (pet) dana od dana prijema ove Odluke, u pisanoj formi direktno, putem pošte ili elektronskim putem, sve u skladu sa odredbama članova 99-105. Zakona o javnim nabavkama BiH.

REKTORICA

prof. dr. Alena Husinbegović**Dostaviti:**

1. Ponuđaču: „NEXIS“ d.o.o. Sarajevo
2. Ekonomskom fakultetu
3. U predmet
4. a/a